

08 AUG 1998

DR MAHATHIR TIBA UNTUK LAWATAN DUA HARI

LANGKAWI, 8 Ogos (Bernama) -- Perdana Menteri Datuk Seri Dr Mahathir Mohamad tiba di sini hari ini untuk lawatan dua hari dan dijadual merasmikan Kongres Insurans Nyawa Cina Sedunia Kedua malam ini.

Kira-kira 5,000 delegasi dari Taiwan, China, Hong Kong, Singapura, Thailand, Brunei, Indonesia dan Malaysia dijangka menghadiri kongres tiga hari itu di Pusat Pameran Antarabangsa Mahsuri di Padang Matsirat di sini.

Esok Dr Mahathir akan melawat Galeria Perdana dan Lapang Sasar Menembak Antarabangsa (LISRAM), tempat bagi acara menembak Sukan Komanwel dari 11 Sept hingga 21 Sept.

Beliau akan juga melawat kemudahan pelancongan berasaskan pertanian, Laman Padi, di Pantai Chenang yang merangkumi sebuah muzium padi, pusat maklumat pelancongan, restoran dan pavilion.

Laman Padi diselaraskan oleh Lembaga Pembangunan Langkawi (Lada) untuk mempromosikan aktiviti tradisional petani tempatan kepada pelancong asing.

-- BERNAMA

NH AKD